


書名 續增駁案新編三十二卷  
 撰者 清 闕名 輯  
 卷 卷十三  
 內容分類 史 政書 法令 刑案  
 索書號 大木 法類 例案 21  
 編號 B3852100

# 卷十三



[彩色首頁1](#)  
[彩色首頁2](#)

[東洋文化研究所漢籍目錄 編號: B3852100](#)

[東洋文化研究所漢籍目錄所藏漢籍善本全文影像資料庫 索書號: 大木 法類 例案 21](#)

[漢籍善本全文影像資料庫文本續增駁案新編三十二卷](#)

版權所有: 東京大學 東洋文化研究所

[使用上的注意事項](#)

山西司

起為議奏事刑部議得晉撫農 奏馬邑縣叅

革典史李德混違例擅授武生李清秀控告王

珏佔地呈詞該縣洪星煥不卽揭叅審斷並將

王珏之弟王現杖責致斃一案據該撫農 疏

稱云 查律載囑託公事已施行者杖一百當

該官吏聽從與同罪又律載官司決人於臂腿

刑去處依法決打邂逅致死者勿論各等語

革職典史李德混與武生李清秀認識輒卽

知縣不揭叅典

李清秀



妻母縱姦本夫捉姦誤傷妻母致死擬絞姦婦擬杖駁改姦婦擬絞候本夫擬杖

麻六成

駁改姦夫謀殺本夫與姦婦起意俱將姦夫斬決姦婦分別知情不知情辦理

趙希元子 熊在德

捉姦勒死總麻表兄斬候九卿駁改減流

陶思涵

山西司

一起為奏 聞請

旨事據署山西巡撫明 咨稱太平縣祁閏月子強

姦僱主賈伯衡繼母賈梁氏未成一案緣祁閏

月子籍隸猗氏縣乾隆五十年三月間受僱與

生員賈伯衡家服役五十二年三月十五日賈

伯衡出外探親伊家男女俱赴村中觀劇只有

賈伯衡繼母梁氏在家獨處祁閏月子頓萌淫

念在于廚房携帶菜刀行至梁氏房內即拉其





胎膊求姦梁氏喊罵祁閏月子持刀恐嚇梁氏益加喊救隣人張小管聞聲接應祁閏月子畏懼隨棄刀逃逸未被姦污報縣獲犯訊詳飭審據供前情不諱恐有強姦已成情事嚴詰不移案無遁情查律載強姦未成者杖一百流三千里又例載親屬犯姦至死罪者若強姦未成發近邊充軍各等語並無雇工強姦家主之母未成作何治罪明文若依常人強姦未成律擬流固覺情重法輕卽比照親屬強姦未成例擬軍

亦覺情浮於法祁閏月子請照情重軍流例改發黑龍江給披甲人爲奴等因咨明前來查律載奴及僱工人姦家長妻女各斬決又總類例載奴及僱工人姦家長妻女和者姦夫姦婦各斬決強者姦夫斬決各等語誠以理重名分法嚴淫惡奴及僱工與家長妻女名分攸關一經和姦卽各斬決若係強姦則淫惡尤甚自當盡法嚴懲不得更減于和姦至親屬強姦未成之例原以常人罪止擬流親屬應行加等是以特



設科條以示區別然亦係專指親屬相犯而言若奴及僱工有犯自不得互爲牽引但奴及僱工強姦家長妻女未成之案律內旣無作何治罪明文而總例內亦僅稱強者姦夫斬決又未明載已成未成字樣臣部詳查數十年來亦無辦過此等案件惟成案內有雍正元年浙江總督李 題陳加正強姦僱主趙位中之女趙氏不從用刀戳傷右臂成廢一案將陳加正依僱工毆家長期親至折傷律擬絞具 題經臣部

以律內奴及僱工姦家長妻女強者姦夫斬決之語原不分已成未成而陳加正係趙位中家雇工強姦其女不從連戳多傷致成廢疾淫惡已極正與斬決之例相符將陳加正改爲擬斬立決題結在案此案祁閏月子受雇與賈伯衡家傭工據供素有名分乃該犯乘伊家長外出見梁氏獨處頓萌淫念輒懷藏菜刀走至上房拉住脰膊求姦梁氏喊詈該犯卽用刀恐嚇聲言再喊便殺梁氏益加喊救經隣人在外接應



始棄刀而逸核其情節雖與陳加正強姦家長之女趙氏未成刀戮致成廢疾者情稍有間但該犯持刀恐嚇之時若非隣人救阻則梁氏非被殺傷卽被姦污是該犯逞淫犯分寔屬不法且梁氏係該犯雇主之母更與陳加正強姦雇主之女者情節尤爲可惡準情定辟自應擬以斬決惟是例無未成斬決之文而遠年舊案亦未通行以致外省無所依據今該撫將祁閏月子比照親屬強姦未成例加等擬遣臣等詳加酌核殊未允協祁閏月子應請改依雇工姦家長妻女強者姦夫斬立決例擬斬立決是否有當伏乞 訓示如蒙

俞允臣部卽將奴僕雇工強姦家長之母及妻女案件到官審有損傷膚體毀裂衣服及隣証見聞確有實據者無論已未成姦概擬斬決之處通飭遵行等因謹

奏乾隆五十三年三月奉

旨祁閏月子着卽處斬餘依議欽此





直隸司

一起為真明事會看得益縣趙二虎等輪姦狄元魁之女狄有姐一案先據直隸總督劉毅咨稱緣趙二虎周黑虎均籍隸該縣與狄元魁同村居住乾隆五十二年五月二十八日狄元魁赴地工作遺女狄有姐在家獨處是日午後趙二虎赴周黑虎舖內買食燒餅道及狄有姐少女并知伊父狄元魁外出僅遺狄有姐在家獨處且無隣佑趙二虎起意邀往圖姦周黑虎應允

卷一三

輪姦

趙二虎



一同走至狄有姐屋內時狄有姐針黹詢問來由趙二虎告知圖姦狄有姐欲行喊叫趙二虎卽以取刀扎害之言向嚇狄有姐畏懼未敢聲張周黑虎隨將狄有姐仰面揷倒趙二虎卽拉下狄有姐中衣先行姦污完畢周黑虎亦乘勢將其兩手按住行姦適有村人來二月隨由狄元魁門首經過憶及狄元魁曾借伊家板凳未還進內索取瞥見周黑虎等在彼行姦卽行叱喝趙二虎等均各逃逸宋二月因值農忙慮及

到官拖累隱忍回家而狄有姐起身見炕沿粘有血跡恐被人窺見當卽擦去因被姦氣忿在炕睡臥哭泣迨晚狄元魁回家見而查問狄有姐顧惜顏面以患病之言答覆未告實情并因陰戶受傷卧炕經旬至六月初九日狄元魁受暑患病之人做飯狄有姐始行下炕心懷忿恨終未消釋迨十五日狄元魁病痊見伊女生氣向其查問狄有姐始猶隱忍嗣因狄元魁再三盤詰狄有姐不能隱瞞告述前情狄元魁卽往




告保長王會然欲行報官而王會然因病卧炕  
未經聽明因與狄元魁交好恐醜聲外揚勸令  
寢息狄元魁亦因伊女業經許配恐婿家聞知  
不肯迎娶隨隱忍回家狄有姐以事經眾知不  
肯再忍復囑伊父呈告至七月初七日據狄元  
魁稟報到縣提犯研鞫據該犯等將起意輪姦  
各情由供認不諱恐該犯等另有為匪不法情  
事覆詰不移委無遁情查趙二虎因狄有姐在  
家獨處輒敢起意邀同周黑虎前往輪姦殊屬

不法惟是狄有姐年已十七歲當趙二虎等按  
倒行姦之時雖稱趙二虎用言嚇禁不敢喊叫  
但當宋二月撞見吆喝狄有姐如果忿激難堪  
正可卽向喊救何以默無一言且趙二虎等走  
後自將炕沿血跡擦淨又向伊父担稱卧病倘  
非狄元魁節次查問勢必終始隱忍不言至其  
後次之忿激欲控係因被人聞知起見如將趙  
二虎等照輪姦例分別擬以斬絞似屬情罪不  
符第趙二虎因狄有姐在家獨處糾同周黑虎



前往用言嚇禁將狄有姐先後姦污均屬生事  
 擾害若因狄有姐先行隱忍竟照強合和成又  
 覺輕縱將趙二虎照兇惡棍徒生事行兇無故  
 擾害良人發遣例從重改發黑龍江等處給與  
 兵丁為奴周黑虎照兇惡棍徒生事行兇無故  
 擾害良人發遣例發遣等因咨達經臣部查例  
 載輪姦之案審實俱照光棍例分別首從定擬  
 又光棍為首者斬立決為從者絞監候又律載  
 強姦者絞監候未成者杖一百流三千里註云



若以強合以和成猶非強也各等語是強姦與  
 輪姦之犯罪名輕重不同蓋強姦乃一人之事  
 律無為從之文誠以一人姦一婦女即使恃強  
 逞淫而婦女若果抵死不從未必遂其慾念故  
 律有已成未成強合和成之分必須提同婦女  
 質訊明確以定其罪若輪姦之案以數人強捉  
 一婦女更遞姦污其兇橫之情狀不惟孱弱之  
 幼女難以自主即剛烈之壯婦亦勢難抵禦淫  
 兇不法莫此為甚故例內止著審實二字即立



予重典並無質訊被姦之人事後是否甘心另有治罪別條例義本自昭然此案趙二虎因探知狄元魁外出遺女狄有姐獨處且無隣佑起意邀同周黑虎前往圖姦狄有姐喊叫趙二虎卽以持刀扎害之言向嚇周黑虎隨將狄有姐仰面搯倒趙二虎拉去中衣先行姦畢周黑虎亦乘勢按住兩手行姦適有宋三月經過見而吆喝趙二虎等逃逸狄有姐見炕沿粘有血跡當卽擦去在炕睡臥哭泣狄元魁歸見查問狄

有姐顧惜顏面以患病答覆旋因陰尸受傷臥病經旬狄元魁見其生氣再三盤詰始行告述前情狄元魁往告保長呈報因保長患病臥炕未經聽明勸令寢息狄有姐不肯再忍逼令伊父呈告等情詳核案情狄有姐係屬處女趙二虎欺其獨處又無隣佑邀同周黑虎前往圖姦嚇禁搯按更遞姦污旣據該督研訊確實以輪姦叙案此卽狄有姐始終隱忍而別經發覺亦難寬趙二虎等應得之罪且事因狄有姐不肯



甘心隱忍令伊父呈告到官既已審供不諱又復何可原減乃該督咨稱趙二虎等輪姦時有宋三月瞥見吆喝狄有姐如果忿激難堪何以未經喊救且有擦血托病情事其後之忿欲控官係因被人聞知起見謂有隱忍之情殊不思狄有姐以幼年處女逼於嚇禁窘於揆按斯時羞忿交迫倉皇無措宋二月突如其來曾否經見尙未可知若果當時已知有人看見既欲隱諱於前何又因被人聞知逼令伊父控告於後

是前次之諱而不言實因含羞無奈後此之逼令具告終由被污難甘該督既稱狄有姐懷忿終未稍釋而又據擦血托病等情謂其並非忿激難堪是欲借處女含羞飲恨之情寬匪棍窮兇極惡之罪置審實卽坐之例於不問而率照棍徒擾害例擬以遣戍於情於法均未允協事關罪名輕重懸殊未便率覆應令該督細核案情例義妥擬具題到日再議等因咨駁去後今據該督劉我疏稱此案先據該縣孔廣彬將趙



二虎照光棍爲首例擬斬立決周黑虎照光棍爲從例擬絞監候由保定府知府王汝璧照擬勘轉經按察使富尼善以狄有姐年已十七于五月二十八日被趙二虎等輪姦至六月十五日始向伊父狄元魁告知當趙二虎等按倒行姦之時雖稱趙二虎用言嚇禁不敢喊叫但當宋二月撞見吆喝狄有姐如果忿激難堪正可卽向喊救何以默無一言且于趙二虎等走後自將炕沿血跡擦淨又捏稱卧病追事隔十有



餘日若非伊父狄元魁節次查問勢必至始終隱忍不言細核輪姦之案照光棍定擬者係指強行輪姦而言狄有姐於可以喊救之時並不聲喊及被污之後又隱忍多日似與強合和成者微覺相類隨將趙二虎等改照兇惡棍徒生事擾害例擬以遣戍詳咨茲准部駁以狄有姐前此之諱而不言實因含羞無奈後此之逼令具告終由被污難甘不應以處女含羞飲恨之情寬匪棍窮兇極惡之罪行合確核妥擬等因



乾隆五十三年十二月初二日具奏四川嚴文泰等聽從鄭月鼎輪姦張佛英已成一案夾發嗣後遇有輪姦為從之犯定案在秋審截止以前者令各該省督撫審明趕入本年情實如截止後具題到部而在該省勾到前者即由臣部聲明趕入本年情實

馬步之親弟

遵卽行據按察使富尼善提犯審明改擬招解前來臣親提研鞫據各供晰前情覆查趙二虎等既將狄有姐更遞姦汚卽或狄有姐始終隱忍而別經發覺亦難寬趙二虎等應得之罪且狄有姐後因不肯甘心復囑伊父呈告卽與當時指告無異誠如部駁不應將趙二虎等稍為原減所有原擬遣戍之處實屬錯誤查趙二虎起意為首周黑虎聽從同行更遞姦汚均應依例定擬將趙二虎改為擬斬立決周黑虎改為

擬絞監候均照例先行刺字等因具

題前來 據此應如該督所題趙二虎應改照輪

姦之案審實照光棍例分別首從定擬光棍為首斬立決例擬斬立決周黑虎應改照光棍為從絞監候例擬絞監候秋後處決該督既稱保長王會然當狄元魁欲行報官之時正值患病卧炕未經聽明是以用言勸解並非受賄隱匿但勸令寢息究屬不合王會然應革役照不應重律杖八十折責三十板宋二月督見周黑虎



等將狄有姐姦汚當卽吆喝並無不合應毋庸  
議等語均應如該督所題完結等因乾隆五十  
三年十一月二十日題十二月初三日奉  
旨趙二虎著卽處斬周黑虎依擬應絞著監候秋後  
處決富尼善著降三級從寬留任餘依議欽此

陝西司

一起爲核擬具奏事刑部謹題該臣等會看得

石童兒毆傷石大脚身死一案據陝撫巴疏

稱石童兒係石繼廣自幼撫養從堂姪石大脚

係石繼廣之族弟于石童兒並無服制乾隆五

十三年二月二十日石大脚潛進石繼廣之妻

席氏臥房起意圖姦上炕向拉被席氏嚷罵石

大脚奔跑石繼廣聞知情由找尋石大脚未見

二十二日石童兒途遇向罵石大脚回罵石童



兒取棍向毆倒地并毆其右廉肋骨折報驗取  
辜醫治詎石大脚傷重至四月初五日殞命審  
供不諱查石童兒毆傷石大脚殞命係在破骨  
傷深辜限外將石童兒依親屬捉姦非登時殺  
死例擬絞監候等因具題前來查石童兒因  
石大脚圖姦伊孀母席氏于兩日途遇向罵毆  
傷致斃本非捉姦而殺且石大脚于席氏並未  
成姦係圖姦未成之罪人亦不得謂之姦夫其  
毆傷倒地後不行拘獲送官乃輒登毆殞命自

應依擅殺罪人例律科斷該撫將石童兒依親  
屬捉姦非登時殺死之例定擬雖罪名同一絞  
候而引律究屬未符石童兒應改依罪人已就  
拘執而擅殺以聞殺論聞殺者絞律擬絞監候  
秋後處決等因謹題乾隆五十四年三月奉  
旨石童兒依擬應絞着監候秋後處決餘依議欽此



湖南司

一起為議駁具題事臣部會看得歐美成等因捉姦捆溺歐受受歐唐氏身死一案據湖南巡撫浦疏稱歐受受係歐美成總麻服姪乾隆五十三年正月間歐受受與歐美成之妾唐氏調戲成姦歐美成並不知情三月十九日夜歐受受復赴唐氏房內姦宿適歐美成回家喊令開門經歐美成在床下捉獲用拳毆傷右肋唐氏趕攏幫護將歐美成推開歐受受乘空逃逸歐



美成究悉姦情經伊妻駱氏等勸解唐氏乘間  
逸出二十日早歐美成尋獲唐氏拉回尋思氣  
忿起意將唐氏歐受受一併沉河溺死當與伊  
兄歐顯成弟歐光成商允又邀堂弟歐光照歐  
佐幅相帮歐美成遂用繩與歐光成將唐氏兩  
手捆縛復用繩拴住唐氏項頸拉往歐受受家  
將歐受受捉獲歐美成取腰帶與歐光成將歐  
受受兩手縛住用拴唐氏項頸餘繩拴住歐受  
受項頸歐美成遂拉歐受受唐氏前行歐顯成  
等在後推攙走至河邊歐美成與歐顯成將歐  
受受唐氏推入河內卽時斃溺報驗審認不諱  
將歐美成除致死有罪之妾輕罪不議外依律  
擬絞歐顯成等擬杖歐光照等獲日另結等因  
具題前來查律載妻妾與人通姦本夫於姦  
所捉獲姦夫姦婦登時殺死者勿論又例載本  
夫于姦所獲姦非登時而殺依夜無故入人家  
已就拘執而擅殺律杖一百徒三年如捉姦已  
離姦所非登時殺死姦夫者照罪人已就拘執



而擅殺律擬絞監候各等語細譯例意本夫于姦所獲姦登時殺死者律得勿論其姦所捉姦非登時而殺者罪止杖徒若非姦所又非登時始擬縲首例義甚明難容牽混臣部詳核案情歐美成于伊妾房內床下親獲姦夫係屬姦所獲姦因歐受受唐氏先後逃避不能登時殺死其激于義忿之心並未寢息迨一經尋獲卽一併拴縛溺斃是歐美成雖殺非登時其獲姦豈在姦所較之捉姦已離姦所非登時殺死姦夫

者迥別而謂該犯殺非登時固不得竟予勿論例內本載有姦所獲姦非登時而殺依夜無故入人家已就拘執而擅殺問擬杖徒之條乃該撫舍此條不問反牽引捉姦已離姦所之文于例不符且歐美成係歐受受總麻服伯于姦所獲姦殺死姦夫姦婦而以義忿殺姦之尊長爲蔑倫姦淫之卑幼擬以絞抵揆之情法殊未平允事關生死出入罪名輕重懸殊臣部未便率覆應令該撫另行按例妥議具題謹奏乾隆



五十四年四月奉

旨部駁甚是依議欽此

廣西司

一起為議奏事乾隆五十七年二月二十九日奉  
旨刑部具題廣西民人麻六成誤傷妻母羅黃氏身  
死一本將麻六成依本夫捉姦誤殺旁人例問  
擬絞候羅黃氏是誘女賣姦之人非旁人也至  
麻羅氏依父母縱姦敗露悔迫自盡者止科姦  
罪擬以杖九十羅黃氏護賣姦之女被誤殺非  
愧迫自盡也似此入罪殊未平允核其情節羅  
黃氏縱令伊女屢次在家賣姦麻六成聞知前



往捉拿正值伊妻在寮與人談笑聲喊捉拿當  
將姦夫梁奇保細縛見伊妻向內逃跑麻六成  
手執鉄尺追趕適羅黃氏聞聲走出麻六成於  
黑暗中望見人影疑係伊妻隨用鉄尺毆打誤  
傷羅黃氏殞命是羅黃氏貪圖梁奇保資助縱  
令伊女通姦已屬不顧其壻恩義斷絕麻六成  
本係應行捉姦之人卽因羅黃氏貪財縱女賣  
姦或一時氣忿將羅黃氏毆斃亦不過照擅殺  
罪人例問擬麻六成于黑暗之中追趕伊妻不



能辨識誤傷黃氏斃命更非出於有心何以拘  
泥將捉姦之人擬以死罪而羅氏與梁奇保通  
姦雖由伊母黃氏得財縱容但伊母或以他事  
指使其女無甚關碍者尙可勉從若此等賣姦  
之事名節攸關豈宜聽從伊母不顧其夫况其  
母羅黃氏之死寔由該氏與人通姦所致向例  
父母因子孫犯姦敗露愧忿自盡及被殺者將  
子孫問擬絞決此案卽因羅氏犯姦係由伊母  
羅黃氏縱容亦應於絞決罪名稍爲未減予以



絞候可矣何以僅照常例祇科姦罪擬杖今刑部卽照該撫所擬罪名題覆輕重殊爲倒置麻羅氏應改爲應絞監候秋後處決麻六成應改爲杖九十如此兩相互易庶情罪各得其平着刑部遵照改擬另行進呈欽此

山西  
河南  
司

二起爲欽奉

上諭事本日刑部具題因姦謀殺本夫兩案一係山西省趙希元子因與張崔氏通姦情熱起意商同姦婦張崔氏謀勒本夫張揚寶子身死張崔氏聽從下手該部照原擬將張崔氏依律凌遲處死趙希元子擬斬立決一係河南省熊在德與余胡氏通姦熊在德起意圖娶用言試探經胡氏斥罵熊在德將本夫余添毒害胡氏聞知



卽將姦情實告伊始到官該部照原議將熊在德擬斬監候聲明胡氏尚有不忍致死其夫之心按律擬絞監候例得減等發落此兩案同係姦夫起意謀死本夫趙希元子已問斬決蓋因趙希元子既殺本夫於非命今又陷姦婦于極刑自應如此定擬至熊在德圖娶胡氏毒死本夫余添其因姦謀死本夫與趙希元子一案情節相同特因胡氏一聞熊在德圖娶之言卽行斥罵及余添被毒身死又復卽告知伊始指拏



到案尚有不忍致死其夫之心是以援例減等而姦夫熊在德則淫兇已極于法實無可寬且揆之情理姦夫與姦婦商同謀死本夫者因彼此戀姦情熱本夫之死尚出同謀若姦夫一人起意姦婦既末知情及用言試探又復詈罵不從是本夫之死實係姦夫一人主意較之商同謀殺者其情更爲淫惡原不應照尋常謀殺之案定擬斬候乃該部于趙希元子一犯因姦婦知情將姦夫問擬斬決于熊在德一犯因姦婦

姦夫謀殺本夫無論姦夫一趙希元子



不知情即將姦夫問擬斬候同係因姦起意謀殺之案輕重兩岐殊未平允嗣後該部遇有此等因姦謀死本夫係姦夫起意者除將姦婦分別知情與不知情仍照舊例辦理外其姦夫當照起意之律問擬斬立決以儆淫兇此案熊在德卽照此辦理除將原題改簽批發外將此通諭知之欽此乾隆五十七年三月十九日奉旨熊在德着卽處斬胡氏與熊在德通姦熊在德起意圖娶將伊夫余添毒害胡氏聞知卽將姦情實告伊姑指拿到官尚有不忍致死其夫之心着從寬免死照例減等發落餘依議欽此





廣西司

一起為會議具奏事內閣抄出廣西撫陳 奏平  
樂縣已革武舉陶思涵捉姦勒死總麻表兄廖  
當燦賄和匿報已革知府黃文燦等率委檢驗  
任聽仵作藏棄傷骨混詳病斃審擬治罪一案  
查律載卑幼毆外姻總麻兄死者斬監候故殺  
者亦斬又例載有服尊長姦卑幼之婦本夫于  
姦所親獲姦夫姦婦已就拘執而擅殺者若係  
總麻尊長仍照毆故殺本律擬罪又律載檢驗



屍傷不實而罪有增減者以出入人罪論若作  
 作受財故檢不以實者以故出入人罪論又例  
 載屍親人等私和人命受財者計贓准枉法論  
 又律載枉法贓八十兩絞三十兩杖八十徒二  
 年無祿人減一等又以財行求及說事過錢者  
 計所與之贓與受財人同科無祿人各減一等  
 其行求說事過錢之人如有首從者為首照例  
 科斷為從無祿人聽減二等又律載姦內外總  
 麻以上親之妻者杖一百徒三年又官司故出



八人罪全出全八者以全罪論若斷罪失于八  
 者減三等失于出者減五等囚未決放各聽減  
 一等各等語此案已革武舉陶思涵因伊母陶  
 廖氏之兄子廖當燦與伊妻蕭氏在床行姦該  
 犯入房瞥見捉拿廖當燦轉身欲走陶思涵先  
 後用拳并鉄尺毆傷其腮頰等處倒地復起意  
 勒死遂用腰帶纏繞廖當燦項頸喝令胞弟陶  
 思澄等幫同拉勒立時斃命雖殺由義忿但廖  
 當燦係陶思涵總麻表兄應按服制本律定擬



陶思涵應如該撫所 奏合依卑幼毆外姻總  
麻兄死者斬監候故殺者亦斬律擬斬監候秋  
後處決件作黃明檢驗屍傷胆敢得受廖枋德  
銀七兩藏匿傷骨檢報無傷未便僅照檢驗不  
實故出者以全出論囚未決放減等擬流致滋  
輕縱黃明亦應如該撫所 奏從重發往黑龍  
江給披甲人爲奴該撫又稱叅革平樂府知府  
黃文燦平樂縣知縣楊懋珩署昭平縣知縣朱  
熊光雖案由訪聞發覺訊無受賄故縱情弊但

于檢審命案既不細心檢視任聽件作偷棄傷  
骨遺失骨塊毫無覺察又不細心研鞫朦混具  
詳幾致正兇漏網未便以案未成招業經叅革  
遂置勿論黃文燦楊懋珩朱熊光等合依檢驗  
不實失出人罪減五等囚未決放又減一等律  
各杖六十徒一年至配所折責安置黃文燦係  
旗人照例解部折枷等語應如該撫所 奏完  
結又刑書李凌華吳秉剛謝逢泰雖訊無知情  
受賄情弊但不近前看視又不備帶骨格按照



部位查點以致件作得以乘機弊混若照律以  
 失出遞減科罪不足蔽辜李凌華吳秉剛謝逢  
 泰均應從重于件作黃明流罪上量減一等杖  
 一百徒三年仍革役革監廖枋德廖當太各得  
 陶廖氏賄和銀一百兩均合依屍親人等私和  
 人命計贓准枉法論例杖一百徒三年至配所  
 各折責四十板廖當驚廖當傑單廷剛蔣懷基  
 劉昌理聽從私和各得銀三十三兩三錢三分  
 零均依律杖七十徒一年半至配所各折責二



十五板陶廖氏賄囑廖枋德私和匿報合依以  
 財行求審實計所與之贓與受財人同科例杖  
 一百徒三年係婦人照例收贖姦婦陶蕭氏合  
 依姦內外總麻以上親之妻律杖一百徒三年  
 係犯姦之婦杖罪的決徒罪收贖當官嫁賣身  
 價入官陶遠成等聽從主使幫同按捺勒死廖  
 當燦合依餘人律各杖一百折責四十板陶沛  
 久梁上彩鍾孔倫黃登洪何老三陶正求受雇  
 移屍應照地界內有死人不報官司而輒移藏

提姦勒死繩

陶思涵



律杖八十折責三十板隨同混供之隣佑鍾廷顯照不應重律杖八十折責三十板屍母廖盧氏屍妻廖鍾氏訊無通同賄和情事其聽從殮埋廖當燦屍首係廖枋德勝混且經供明請檢並無不合餘屬無干概予省釋各等語查姦婦當官嫁賣係指本夫殺死姦夫律得勿論者而言若本夫已有應得之罪姦婦律無官賣之文今陶蕭氏夫陶思涵已依律擬罪與本夫無罪者不同姦婦陶蕭氏自未便當官嫁賣應令該撫將陶蕭氏杖罪的決給與伊姑陶廖氏領回聽其去留餘應如該撫所 奏完結

本部會同九卿會議前事一案查例載有服尊長姦卑幼之婦本夫至姦所親獲姦夫姦婦登時殺死及已就拘執而擅殺者卑幼毆故殺尊長本律擬罪並夾簽聲明請

旨勅下九卿定擬刑部會同九卿核擬量從未減者若係總麻尊長量減爲杖一百流三千里恭候欽定等語今廖當燦係陶思涵總麻表兄在陶思涵





家與伊妻蕭氏行姦該犯尋至房內瞥見拿獲  
毆勒斃命核其情節廖當燦與總麻表弟之妻  
通姦本屬滅倫傷化該犯卽于姦所捉獲勒斃  
實係激于義忿正與殺姦減流之例相符應將  
陶思涵照例減爲杖一百流三千里等因謹  
奏乾隆五十七年四月奉

旨依議欽此





所  
國  
書

